

屢有請疏仍加以真人號偶得五言長歎

爲慕真人行人因喚我真真功若果足何慮不長春學道非虛妄修真仗實因常如七祖志報應豈虧人

王禪師病以詩贈之

古道雖能執今時亦可通修真合要妙康泰自和沖法盡身輕舉丹無體茶癯本來圓相現不許一塵蒙

題南庵

閑步南庵去南庵最適情門前溪水綠窗外竹風清處險常知足忘貪總不爭只因身自在一片道心明

木林老久病過歲今年辛卯成就下元醮事

道藏輯要

葆光集

壽

胃集十

幻身雖久病道念愈精誠黃籙通幽府赤書達上清死魂忻濟度生命賀圓成至道非由廣如何出死生

木林老仙去以詩弔之

子已返真去子今爲子來知心十載外同伴二年迴來後身如夢歸時火作灰死生常理耳何必苦傷哀

崑州神清觀有道判莊公談玄之次因贈言激發之耳

入夜談玄教神清坐二更門中無列子席下見莊生性靜塵難染心通行易成能窮方外義一片道心明

五華山喜雨

四月風方息五華雨有餘羣生皆喜悅我亦保安居夏種苗將

足秋成事不虛往來遊戲樂時駕小雲輿

己亥歲四月陰霧七日始覩日月之光耳

四月陽方壯忽然陰氣昇昏迷天地黯黯慘鬼神驚七日如混沌太陰不放晴一朝雲霧斂日月一般明

答王子正

幸然逢正法便是宿根深勿逐古人跡唯搜自己心目前甚易見身外果難尋清淨一言了勝如萬鎰金

五言長篇

辛卯東路鹽場醮過景州贈東方道眾

不得西山去天教東路行心空常合道性僻未全明觀妙入無

道藏輯要

葆光集

三

胃集十
川卷上

相逐邊屬有情全真修實德着假戀虛名見色如空色聞聲悟寂聲動時無少欠靜處有餘清縱慾道難悟收心行易成幻身元係假實性本來平莫覓鉛汞法休教烟火生同流聽苦勸別有好前程

出京寄長春宮道眾

離京五十日紙寫百千張信士盈郊接沉烟滿路香隨方皆道化無處不仙鄉鍊性通三界馳名遍十方有心棲靜定無意戀聲揚行道因師訓立身須自剛民安修善路國泰誦經章應命無高下隨緣任短長七真開正教萬聖助明王行住由天意奈何無處藏